

瀘溪縣志卷之二

規建志

易曰王公設險以守其國則薨邑城垣視此矣故建署以敷治闢學以明倫其大焉者也諸如除戎器以戒不虞成輿梁而通利涉輪軒有寄積貯有俯凡皆師先王體國經野之意措四履而奠綏焉亦長民者咸熙庶績之義也志規建

城池

城池國之衛也規土建築古之制也恃陋不備變所

瀘溪縣志

卷之二

規建

由生矣故孟秋補城仲秋修城誠重之也是在守土者加之意爾

知府王公之屏知縣范公涑相縣治度地築城東西南北環八百丈有奇令塼垣等工預城具萬曆八年七月知縣陳王廷至始經營起築以前度地太廣浩費莫支乃縮前地十之四本年十二月創工九年八月城成周迴計五百丈廣八尺高一丈五尺爲四門東曰來福南曰新化西曰順治北曰拱極門各建城樓城內外各甃馬道廣四尺道外浚濠池約廣七尺深稱之嗣后微有

傾壞時爲補葺至萬曆三十七年洪水衝城崩塌知縣
梁應掄修築更於各水門密加鐵條令不得潛出入焉
萬曆四十二年復修周城馬道至崇正十二年知縣樊
一若奉部文修築

國朝康熙四年知縣張萃祥奉 部檄遵式增修近稍傾
塌今奉明文再加修砌

縣署

邑有縣署所以嚮明出治也關重門敞法座非徒崇厥
體統也詩曰君子攸芋 又曰靖共爾位庶其無負乎

瀘溪縣志

卷之二

規建

二

至於縣佐各署咸資贊理例當並志云

縣署居縣之中原廣仁寺故址隆慶戊辰寺燬今署仍
其地萬曆六年知府王之屏請設縣治議奏獲 允本

年某月某日創工中爲正堂南向扁曰忠愛東爲贊政
廳儀仗庫西爲總冊局典史廳左右廊爲戶吏禮兵刑
工六房後爲吏舍甬道中立戒石亭正堂後爲穿堂右
爲銀庫左爲冊庫穿堂後爲正衙凡三重後爲思補閣
又後爲培龍樓甬道外設儀門門左爲狴獄右爲土地
神祠先是委官務草創速成門堂相逼九年八月知縣

陳王廷擴地移大門遠數十武上建譙樓甃石兩邊各廣一丈以入門外左右建旌善申明二亭儀門左爲寅賓館預備倉改牢獄於儀門右環署繚以垣墻週圍一百二十丈萬曆十六年知縣汪謨以譙樓高壓正堂拆譙樓改監於正衙爲思補閣用磚甃頭門規制卑狹知縣林萬梅改造今門後正堂六房俱頽天啟三年春通判張兆會署篆申請重修崇正戊寅年妖燬知縣樊一若重建己丑寇燬合邑士民林清吾永吉仲嘉廷璋瞻雲常吉石璧次等醵貲贊成后衙功以漸興堂治嗣有

瀘溪縣志

卷之二

規建

三

待焉

一丞署在縣署東剏自康熙八年縣丞孟吉熊因閩變傾頽縣丞李薰草創數椽雍正五年縣丞顧彝捐俸增造前堂內署邑紳士俱助貲董成

一典署在縣署西舊與縣署先後並建明戊寅燬於妖寇順治十八年典史全五德申請設處重建

一防守署在南門上關帝殿東先是上司公館康熙四十年知縣張萃祥集紳衿公酌暫假基址諭里民構營房數椽今因之

一寅賓館在儀門東
十年縣丞孟吉熊攝邑
始煥然新焉今廢

學宮

士民之望也學邑之望也士出於學故三代以教士
爲先此治之所由隆也濶自建學來文運方興科名
迭振邑治光矣菁莪之化實有望於師帥茲王三張
斯文者

儒學初建於東城外雜傳姓民居中萬曆十五年知縣

濶溪縣志

卷之二

規建

四

汪謨以官師出入不便決之堪輿得勝地於縣治之前
申請當道改建舊故址得值若干通學諸生洎民間好
義如司稼傅文燁等各捐助若干併文燁領存初任知
縣陳王廷建橋銀拾兩募買新基及工匠等費其規模
木料壽石俱仍舊越二十年餘而棟折壁墜幾壞極矣
萬曆三十九年知縣梁應掄申請更修增土擴基葺石
聚木農出暮入諸所修建載在碑記學西原無路有路
一從南門沿城入一從學宮循墻入乃集衆議通西路
自北至南長若干北廣若干南廣若干改舊路自東至

西長若干東廣若干西自屏牆外廣若干路成機祥家
測以土圭石筭正當巽位在天星巽正納辛爲天乙太
乙照臨之地其應當有以文章魁天下者

先師廟 在明倫堂前知縣汪謨改建知縣梁應掄重修 先師位南面四配位於左

右十哲位於東西序分東西向崇正戊寅寇燬已卯年
貢生傅登覺具呈徐按院蒙批

聖廟焚燬兩載未議建復尊師崇儒之典謂何仰建昌府
瀘溪縣動支完贖銀一百兩立簿襄助宐刻期鳩工遴
材毋使膠庠片地長付榛莽想亦司世教者所共畱心

瀘溪縣志

卷之二

規建

五

也速報隨者民傅元松林永吉仰承憲意領銀殫力督

造功竣賜之棹楔一曰功勩聖廟一曰學宮著績

東西兩廡 在先師廟兩翼知縣梁應掄改建崇正戊寅寇燬康熙四十九年復建

戟門凡三門 知縣汪謨建崇正戊寅寇燬康熙二年訓導陳善建復至康熙十九年知縣張翼文

訓導魯志因門卑隘改造鼎建

泮池 在櫺星門內

櫺星門凡三座 知縣汪謨建康熙十九年知縣張訓導魯重修至六十年復建

崇聖祠 在明倫堂後雍正三年追封五代額崇聖祠

庫房 在崇聖祠左崇正戊寅寇燬

報功祠 在崇聖祠右崇
正戊寅寇燬

宰牲房 在東號房首一間
崇正戊寅寇燬

土地祠 在戟門右

名宦祠 在戟門左

鄉賢祠 在戟門左

文昌祠 在戟門左

明倫堂 在先師廟後

博文齋 在明倫堂左明
戊寅寇燬未復

約禮齋 在明倫堂右明
戊寅寇燬未復

瀘溪縣志

卷之二

規建

六

射圃亭 在西廡後

臥碑 在戟門外

學田碑記 在戟門左

修學碑記 在戟門右

李公祠 在學宮之左計長二十六丈廣七丈二尺先時
在學宮萬曆四十二年知縣潘元勳請建專

祠詳稱宋儒李觀倡理學於濂洛未著之時真豪傑
土也產于赤境橋舊屬南城六十三都即今瀘溪三

都也祖宗正墓子孫廬舍皆籍瀘地則先生之靈亦
眷戀于瀘明矣查得新城尚有祭祀合行專祠以崇

明德伏乞上 裁奉撫按允詳着有司特立專祠春
秋親祀以少牢頒胙李姓子孫暨首士庠生林樹英

傅登覺曾于陞鄧元開林志道傳大覺鄧旭日鄧化
日林世盛林世正等設有門子一名工食銀三兩行

人涂國鼎撰有碑記久毀雍正九年公後裔化鵬靖國剛
樂成象儀廷選復建督工盧必雄祠祀儀注見禮教志

義學文會館 康熙三年建

合縣紳衿里民醵貲公建在西門儒學明倫堂後城隍
殿西每季試月課俱於斯堂會文今塑有

文昌帝君

武曲帝君

北京會館

瀘邑分自南城故北京會館與南城共凡進士舉貢及
候選者俱共集寓每中進士一名助銀十貳兩舉人每

瀘溪縣志

卷之二

規建

七

名助銀一兩貢士每名助銀五錢以為修館書名之費
會館坐北京正陽門外長巷三條御街

學田

趙宋崇儒凡書院皆設學田以供餼廩嵩陽嶽麓鹿
洞鵝湖其較著者也矧茲膠庠縫掖所集禮義相先
他日論秀升之司馬升之樂正率由於此忍令委積
不豐齋厨索然乎膳以學田尚其留意

萬曆十年知縣陳王廷謂邑有學學必有月試廩餼之
需儀文公私之費貧生膏食之助不為設處無以作人

今新治指汪孔艱量追廢寺田一十五畝歲收租息五兩零寔一簣之覆也因時加惠育士者必有同心焉

計開

一墩坐落土名瀘岡山萬靈峯田五畝

租銀貳兩玖錢

一墩坐落土名長境源黃石坑田三畝

租銀壹兩陸錢

一墩坐落土名西門外七代洲田壹畝伍分

租銀捌錢伍分

一墩坐落纏道山鐵爐源田壹畝貳分

租銀伍錢伍分

已上四號田載官民米萬曆二十年知縣林萬梅大造申請除免以優養學校

萬曆三十五年知府朱與翹斷入儒學田

瀘溪縣志

卷之二

規建

八

計開

一墩坐落三都土名艾家源龍潭庵前田十畝

每歲收租銀貳

兩外除租銀壹兩與佃人完本田糧差米

萬曆四十年知府鄔鳴雷給銀買田三墩贍儒學

計開

一墩坐落九都土名新華殿前田五畝五分八釐四毫

租銀叁兩

一墩坐落十六都土名養老峯田一畝五分五釐七毫

租銀陸錢

一墩坐落十六都百戶

附 先農壇祭田

一墩坐落土名長塘墩下藉田四畝玖分

典籍

漢有石經之刻唐宋以來學校書院皆有賜書邑學
載籍稍備鼎革卷帙散亡博士弟子無以資游覽備
考訂康熙三年知縣張萃祥捐貲購集五經四書諸
書少佐師儒肄習廣集縑緙恢廓前美誠有俟於大
雅

瀘溪縣志

卷之二

規建

九

計開

大義覺迷錄

雍正五年
旨交盤

部頒奉

四書集註

五經集註

四書大全

周禮儀禮

易經蒙引

春秋五傳

性理大全

大學衍義

玉堂綱鑑

左傳杜林

史記評林

國語國策

兩漢書

八大家

武經七書

古文

廟祀

祀國之大典也首之以先聖先師其次為廟為壇為
祀凡建邦育民咸恪共薦馨焉至於司牧之良令士
民尸祝亦祀典之族也例得並書

城隍廟

縣初附土神張王廟後復傾圮萬曆三十年知
縣馮日望捐俸改造士民樂助鼎新豎建邑之
子衿多肄業其中週迴土墻規模壯麗今習
儀及講鄉約於此督工黨正林一蘭林光裕

社稷壇

在西門外
先農壇左

風雲雷雨山川城隍壇

在南門外

瀘溪縣志

卷之二

規建

十

先農壇

在西門外社稷壇
右儀注見禮教志

邑厲壇

在北門外陳公堤下手每歲二祭以
城隍之神為主儀注祝文見禮教志

里社壇

在西門外
先農壇右

張王廟

在城內北隅建
祀唐忠臣張巡

關帝廟

在南門城內
增修有待

福善王廟

在東門外傅氏祠右神姓歐陽諱祐唐
泉州太守發靈於邵武大乾有墓在焉

觀音殿

在城隍廟左
林盧鄧募建

鳴山廟

在北隅城外司前街建祀晉石
敬純勅封為鳴山翺化真君

義士祠

在一都高阜魯氏祠右建祀鄧公
景祥載郡志事詳王墓記

陳侯生祠 在北門外公館前為知縣陳王廷建將

林侯生祠 在北城外司前鳴山廟左為知縣林萬梅建有碑記今廢

呂侯生祠 在縣治左為知縣呂應元建有碑記今廢

潘侯生祠 在縣頭門外左今廢

忠義祠 在明倫堂東雍正二年奉文支費錢糧李大開之裔伯奇獨建費近百金只領價銀十兩

節孝祠 在忠義祠右雍正二年奉文支費錢糧鄧節婦子貢生敦復奏銀數百兩建只領官銀十兩

兩基深六丈二尺橫五丈祠屋高一丈九尺四圍俱砌磚墻屋堅固續審稱大觀焉

行署

邑備行署所以駐節鉞便寄寓也上司按部本縣公

瀘溪縣志

卷之二

規建

十一

出不可缺者任事者往往傳舍其官聽其有無廢墜則規建謂何語曰忌動者無逸愛費者無輯固存乎其人矣

上司公館 原建北門外巡司舊址知縣潘公改建南門內戊寅妖燬地墟今為防守營署上司按部

襲寓市肆有乖體統宜議復

府城河東公館 坐河東橋頭大街萬曆二十八年知縣梁應掄構地直深十丈數尺橫闊三丈

數尺後墻外有出路透河下當建公館兵燬存基市民賃造店屋每指騙租銀雍正二年合邑紳士以強

霸官基具控府憲李蒙批仰瀘溪縣審報今議地租每歲考收銀十兩科考收銀六兩以為合邑文武儒

童應道試卷費外屋右有火巷地寬四尺長仍十丈向分七間店客分賃今併前三間歸館內後存四間

每間地租議每年賃錢一百文湊買試卷

府城南街公館

在郡城內王家嶺下康熙五年知縣張萃祥派現里捐銀六十兩買磚房一所

計上下二廳屋右廚房外有空地一片前至大街後至教姓墻橫過館後空地至新城魯宅架圍為界屋右庫墻連王姓柱脚為界館前路背空地一片至三太爺墻脚左右隨館屋業甲寅後邑人私典延措未清至雍正二年合邑紳士訟理南城署篆陳勘斷飭贖本縣汪侯捐費併賣白珩公館基地共去銀七十三兩取贖今勒石於門曰瀘溪縣公館

白珩公館

雍正二年公賣贖府城公館

背石公館

存有基地

橫板公館

存有基地

瀘溪縣志

卷之二

規建

十二

站前公館

在許公講堂下手存有基地

許灣公館

存有基地

龍蔭公館

邑侯自用價陸兩買左姓基地一片在漕倉東邊

桐埠公館

外有店屋與義倉對面

郵傳

古者國野之道十里有廬廬有飲食三十里有宿宿有露室故郵傳之設於以傳遞迎送邑所不闕也修舉廢墜存乎有司毋令萍鄉之譽專美於前可矣

縣僻在一隅惟西南路為往來孔道設舖六處縣前為總舖司兵三人二十里為河洋舖兵二人二十里為佛

嶺舖兵二人二十里爲丁字舖兵二人二十里爲鄧坊舖兵二人二十里爲橫板舖兵二人二舖建南城界地

亭榭 附塔

集山水之勝而規構之曰亭榭亭工結構榭設欄楯

登臨眺覽紀勝留題斯足述也

來鶴亭

在北城外踞縣治後脈之山巔先未議建縣有雙鶴飛自北來盤旋鳴繞其上郡民聚觀莫知

所自後一年始創縣治方識鶴來時日乃知縣陳王廷拜新命尹萬載日也縣號鶴城洵有由矣知府王公按縣命建亭其上登亭眺望望邑中形勝咸在几席萬曆三十二年知縣馮日望改造後墩至康熙五十二年知縣沈元煉同紳士盧宗臣林際輝鄧天章林大振邱鐫林嘉榜等捐貲重建名爲文昌閣樓上爲

瀘溪縣志

卷之二

規建

魁星閣有詩賦記見藝文志

高雲塔

在一都水口瀘水匯於此以達貴溪爲瀘水鎖鑰亦勝觀也

水利

夫蘇公解犀築堤李水治蜀障渠凡以利民也故防川備潦漲陂備旱重民事者因民之利而利之一邑其永賴乎

陳公堤

在東隅邑城後瀘溪溪水流泊北城慮爲城患乃築堤障水使沿古道從山西行堤計一百

六十丈肇自開縣陳公諱王廷者故名陳公堤載府志有記今堤已剗爲港急宜修築以保城池

東隅原額石陂

土名石陂計闢一畝灌田六頃青苗田陂寔爲國計民生攸賴

西隅郭公坡

南隅原額巖坡

北隅冷水窟

土名高山

一都溝洫坡

土名橫溪伏子圳

新增陽林坡

土名樟林坡

一都殺猪潭坡

新增傅家坡

土名馬鞍

倉前嶺堰

在四都水流馬山灌田數百畝

二都原額臺山坡

土名務農由園墜達關門口高阜街心古額大圳載府志

原額石隱坡

新增張林坡

新增泥坡

新增背陰坡

三都夏家坡

桂家坡

陳家坡 在杜藍

黃蛇坡

土名河洋

桐車坡

土名溪南嶺

庵前坡 在杜藍

瀘溪縣志

卷之二

規建

十四

傅家坡

土名法水

楓樹坡

土名法水

泉水井

土名大園

水井

土名官源

赤境嶺官坡

土名赤境嶺其坡頭有護坡州植樹木悉有田人戶烙管不得砍伐損破

高坡

在四都土名高風源

廟前坡

油嶺水窟

在五都

傅家坡

土名庄上

江家坡

在六都土名犁田阪

七都高坡

土名官溪

白鱗坡

土名東源

祠堂坡

土名犁田阪

上黃坡

土名石排

八都澗頭坡

土名小港

大港坡

土名小港

里墓坡

九都北山陂 土名 上圳

水井 土名 新庄

周家陂 土名 上洋

十都中州堰

十都桐埠陂

十一都魚鱗陂 土名 禾坪

十一都磨陂 土名 前港

十二都杜林陂

同車陂 土名 葛家坪

橫沙陂 譚姓作 蔭田

十三都何家陂 土名 何家邊

十四都官陂 土名 黃沙坑

水碓陂 土名 譚家邊

十五都夏家陂

楊家陂 土名 滯江坵

十六都鶴巢陂

秀水溝 自東南入城環遶縣前由西城出闊四尺深五尺申詳開濬大益縣脉侵削者必究

瀘溪縣志

卷之二

規建

十五

橋渡

津梁王政之一也瀘溪之水他不具論論其在北門者溪闊流湍建橋為急焉

接龍橋 在北門外往來通道先時架木為之水漲橋斷天啟元年知縣王德純派糧興建石橋未完公

以艱去通判張公署印因續造錢糧不足募以克之
後知縣李竣工今燬仍以木架之暫濟往來急宜石建是在官斯土者

礫下橋 在十都 天虹橋 在九都 茂林

北門橋 在北門 口外

椒澗橋 在東隅 五里

鶴巢橋 在西門外

廣濟橋 在一都 主簿曾漸建

赤境橋 在三都

福德橋 在三都 葉源 鄧殿立 吳皇 錫林 欽 士募建

白沙板橋 在十都

高陂大橋 朱介復糾眾建造

鯉魚橋 在七都鄒繼東造

丁字橋 在十都

山溪橋 在十三都宋必萬重建

真如橋 在十都

潺陂橋 在十都

橫山石橋 在九都盧宗臣同眾公

桐埠石橋 在十都魏光選盧宗臣鄧敦復于藹仝碧雲庵僧念水募眾公建

于坊橋 在十都馬家橋 在七都濟美橋 在十二都陳坊魏子良獨力建造

雙港橋 在十三都宋必萬重建

楊公橋 在十一都丁四可捐貲糾眾重建

草坪橋 在十都

葛坪橋 在十五都魏以仁等糾眾建

茶溪橋 在十都

礫上石橋 在十三都康熙四十八年鄧繼武石東川捐貲重建

瀘溪縣志

卷之二

規建

十六

歐家橋 在八都

貴家橋 在七都陽谿

永濟橋 在一都瑞溪上

嵩溪石橋 石壁次李念功糾吳雲等建

渡類

樂善渡 在十六都三溪里原無渡康熙廿七年

年邱子俊抽貲獨造四載乙易垂今庚戌四十二年茲里中復有糾首募化建庵置田以垂不朽者

初溪渡 在縣北十里往府通道歲編渡夫一名

永濟渡 在一都瑞溪上閩浙通道康熙五十年曾輝先魯及人魯捷先等創建邑侯汪李批焯其

贍渡田糧止完正供加耗雜項概行蠲免永著為例曾鳳儀有記

塔前渡 在八都通福渡 在高阜有記久廢今魯子九帝賓省三科首募建改各萬年渡勘田永贍

里募渡 在八都盧允中有贍渡田

潘溪渡 在八都

郵政

有道之世民待命於君猶之待命於天我

國家重郵典通郡邑設養濟院令顛連無告之民皆得自全皇仁如天此其徵矣

養濟院

在北城司前明知縣陳王廷建外大門中官廳東西孤老房燬於妖亂今建數間增廓有待

武備

天生五才誰能去兵易曰君子以除戎器戒不虞此武備所從來也但古者寓之於農故有利而無害後世分兵民而二之隨地設防先制莫復然費民者兵

瀘溪縣志

卷之二

規建

十七

而衛民者亦兵功可食

也

瀘封牽掣旁邑豺虺竄伏

山谷藏疾則保甲以靖其內兵防以捍其外庶內訌

外寇兩彌厥憂矣

民兵 舊編精兵七十名常兵四十名萬曆四十年奉

文裁減精兵二名實共編一百零八名今

國朝改編梁兵五十名馬快八名民壯五十名仍一百零八名

保甲 古者兵農不分居則爲比閭族黨州鄉出則爲

伍兩卒旅師軍雖用之征伐皆耕稼之民也後代師其

意者宋程顥爲晉城令立保伍法以道里遠近爲保伍
使之力役相助患難相卹姦僞無所容是謂善政神宗
時王安石行之名曰保甲稍督其操練亦循守望之意
明巡撫南贛王守仁謂剪盜安民無如保甲乃神明其
意行十家牌民軍匠客家詳其戶籍人詳其生理田產
丁男女口寄寓畢書於牌同牌十家輪日收掌司糾察
十家爲甲十甲爲保保各置長遇警設謀截捕甲長率
其屬聽命於保長不用命者官治之行之南贛而效自
後官江西者奉爲令浸假徧於天下凡靖盜察姦莫不

以十家牌爲良法嘉靖末年鄰省寇數犯江右流毒肝
膈巡撫都御史胡松議各縣立守望親兵及時團練警
備不虞諸法隆慶辛未巡撫都御史徐拭復申其令稽
飭惰廢後分巡僉憲許鑑督屬縣行之甚力然時平漸
弛官民視爲故事都御史王佐申嚴條款刊布成書家
諭戶曉着實舉行由是緩急差恃無恐大約皆倣宋荆
公明親建之意而變通行之迨

國朝屢奉巡撫都御史嚴檄飭行每十家爲一牌十牌爲
一保仍稽戶口覈生理立連坐法至詳也後之良有司

不必更立法制但循此而潤色修舉之則一邑之治可不勞而致也

客兵 州縣之有客兵

則駐防明成化時鄰近

土寇流劫不無先事之虞上司摘發省會官軍分班駐防都御史閔公珪謂省會為根本地調發非計且更戍繁擾乃奏調各府衛官軍挈家來戍瀘分割一隅得以不設客兵

國朝以地方初定自宜思患豫防順治十八年始撥建昌營兵分防未有營所假寓民屋康熙四年知縣張萃祥

瀘溪縣志

卷之二

規建

十九

以兵民雜居慮滋騷擾集紳矜公酌暫假上司公館基址諭里民構營房數椽此蓋權宜措置者

教場

武備之設所以衛民捍圉故立之教場比什伍嚴訓練所謂不虞之戒也

萬曆九年知縣陳王廷建演武廳於北門外洲上萬曆三十七年大水漂毀沙石填積不堪操練知縣梁應掄度地於東城外沙苑豎演武廳三間設將臺一座平行寬廣昔范越鳳畱記云甲上屯兵地脈堅

